

Иманбаева С.С.¹, Сандықбаева О.Д.²

¹қауымдастырылған профессор, доцент Қазақ ұлттық аграрлық университеті
«Қазақстан тарихы және Қазақстан халықтарының мәдениеті кафедрасы»,

Қазақстан, Алматы қ., е-mail: sabira.imanbaeva@mail.ru

²философия ғ.к., аға оқытушы, Қазақ ұлттық университеті, ЖОО-га дейінгі білім беру факультеті,
Қазақстан, Алматы, е-mail: sandykbaeva@mail.ru

**КЕҢЕСТИК БИЛІК ТҰСЫНДАҒЫ
М. ДУЛАТОВТЫҢ САЯСИ ҰСТАНЫМЫ**

Мақалада Міржақып Дулатовтың Кеңес өкіметі тұсындағы сан-қырлы еңбегі қарастырылады.

Міржақып Дулатов туған халқына бостандық, теңдік әперіп, өркениетті елдердің қатарына қосу мақсатында өзінің ғұмырын, азаматтық құш-жігерін, ақыл-білімін, бар адамдық қасиетін арнаган қайраткер.

М.Дулатов – халқын қандай өкімет басқарғанына қарамастан, ұлт патриоты болғанын оның Кеңес үкіметі тұсындағы ерен еңбегі көрсетеді. 20-30 жылдары Қазақ ұлттының мұддесін көздең, қызмет атқару оңай болған жоқ. М.Дулатов сыңды ұт зиялышарының, істеген қызметтеріне большевиктер сенімсіздік танытып, жөнсіз тиісу, аңду, ал кейде нағыз құғын-сүргін ұйымдастыруды. Соған қарамастан, бұл жылдары М.Дулатов ұттының болашағын көздең, өзінің таланттың, ақыл-білімін, ерік-құш, жігерін халқының рухани қотерілуіне арнады. Ол халық ағарту саласында әр түрлі жауапты қызметтер атқарды.

Мақалада М.Дулатовтың ұлттық баспасөздің қаламы ұшқыр, ойы терен, тілі кестелі публицист-журналист ретінде “Ақ жол”, “Еңбекші қазак”, редакцияларында жемісті қызмет атқарған кезеңі, қазақ совет баспасөзінің дамуына, журналистикасының жас мамандарын даярлауға, олардың көсібі шеберлігінің ұшталуына сүбелі үлес қосқан қайраткерлігі талдауға алынады.

Түйін сөздер: журналистика, публицист, зиялышар, ұлт, кеңес, азаттық, алаш, идея, идеология, теңдік, большевик, баспасөз, ұстаным.

Imanbaeva S.S.¹, Sandykbaeva U.D.²

¹associate professor, Kazakh National Agrarian University, Department of History of Kazakhstan and the culture of the peoples of Kazakhstan, Kazakhstan, Almaty, e-mail: sabira.imanbaeva@mail.ru

²Ph.D., Senior Lecturer, Kazakh National University, Faculty of Pre-University Education, Kazakhstan, Almaty, e-mail: sandykbaeva@mail.ru

The political position of M. Dulatov in the Soviet era

This article is devoted to the activities of a prominent public figure, academic enlightener, writer and publicist Myrzhakyp Dulatov, whose name for a long time was undeservedly erased from the memory of the people. It analyzes the multifaceted activities of M. Dulatov in the initial period of the Soviet state.

In the introduction, the relevance of the problem is justified, the degree of its knowledge is revealed, the sources used in the work are described, and the purpose and objectives of the study are defined.

The article discusses various, not previously used archival documentary sources, as well as articles by M. Dulatov himself.

In this work, for the first time, not only social and educational activities are comprehensively investigated, but also the work of a scientist as a teacher in the field of public education, the purpose of which was to fight for the elimination of illiteracy. The analysis of his organizational activities in the development of Kazakh culture, folk art is determined by the contribution to the development of Kazakh journalism as a talented publicist, especially in the creation of such print publications as «Ak Zhol» and «Enbekshi Kazak».

The whole life of M. Dulatov was devoted to enlightenment and political activity, he fought for the good of the Kazakh people for the independence and the formation of a Kazakh democratic state.

Key words: journalism, publicist, intelligentsia, nation, Alash, independence, idea, Bolshevik, ideology, freedom of speech, attitude, equality.

Иманбаева С.С.¹, Сандықбаева У.Д.²

¹доцент, Казахский национальный аграрный университет, кафедра истории Казахстана и культуры народов Казахстана, Казахстан, г. Алматы, e-mail: sabira.imanbaeva@mail.ru

²кандидат философских наук, старший преподаватель, Казахский национальный университет, факультет довузовского образования, Казахстан, г. Алматы, e-mail:sandykbaeva@mail.ru

Политическая позиция М. Дулатова в советское время

Данная статья посвящена деятельности видного общественного деятеля, ученого, просветителя, писателя и публициста Мыржакыпа Дулатова, чье имя в течение длительного времени было незаслуженно вычеркнуто из памяти народа. В ней анализируется многогранная деятельность М. Дулатова в начальный период Советского государства.

Во введении обоснована актуальность проблемы, раскрыта степень ее изученности, охарактеризованы источники, используемые в работе, определены цель и задачи исследования.

В статье рассматриваются различные, не использованные ранее архивные документальные источники, а также статьи самого М. Дулатова.

В работе впервые всесторонне исследуются не только общественно-просветительская деятельность, но и работа ученого как педагога в области народного просвещения, целью которого была борьба за ликвидацию безграмотности. Осуществлен анализ его организационной деятельности в сфере развития казахской культуры, народного искусства, определяется вклад в развитие казахской журналистики как талантливейшего публициста, особенно в формировании таких печатных изданий как «Ак жол» и «Енбекши казак».

Вся жизнь М. Дулатова была посвящена просветительству и политической деятельности, он боролся во имя блага казахского народа за независимость и становление казахского демократического государства.

Ключевые слова: журналистика, публицист, интеллигенция, нация, Алаш, независимость, идея, большевик, идеология, свобода слова, позиция, равенства.

Кіріспе

Тоталитарлық жүйе өзінің «қандыш шенгеліне» түсіріп, есімдерін халық жадынан шығарып, тарих көшінен біржола аластатуға тырысқанына қарамастан Алаш зиялышарының қазақ елінің түпкілікті қоғамдық мәселелері жөнінде айтқан негізгі ой-пікірлерінің бүтінгі таңда қайта жаңғыруының күесі болып отырмыз.

Алаш зиялышарының қатарында Міржақып Дулатовтың (1885-1935) алатын орны ерекше. Ол – халқын сүйген патриот, аса көрнекті қоғам қайраткері, ағартушы-ғалым, жазушы және публицист.

М. Дулатов – өте күрделі ғұмыр кешкен тұлға. М. Дулатов сынды патриот ұлтжанды қайраткердің қызметін шынайы, объективті бағалау бүтінгі тәуелсіз Қазақстанның жастарын патриотизмге, ұлттық рухта тәрбиелеу үшін аса қажет.

Қазіргі таңда еліміздің Алаш қозғалысы тарихын, оның белсенді қайраткерлерінің өмір жолын білуге деген жаппай құлшынысы, бұл қозғалыстың идеялары өмірлік негізінің өміршендігінен, сондай-ақ халықтың сана-сезі-

мінің жаңа сапаға көтерілуінен, оның өзінің жүріп өткен тарихи жолына деген қызығушылығының арта түсіүнен туындалған отыр. Сонымен бірге қазіргі үақытта тарих ғылымында жалпы бұқара халықтың ғана емес, жеке тұлғалардың да ғұмырнамасына сұраныс өсіп отыр.

Алаш зиялышарының қоғамдық-саяси қызметі Кеңес дәуірінде тар шенберде таптық партиялық тұрғыдан қаралғаны баршамызға мәлім. Кеңестік тарихнамада ұлт-азаттық қозғалыс көсемдерінің өмір жолын зерттеу мүмкін болмады, ал зерттеле қалған күннің өзінде тарихи шындықтан алшақ, бұрмаланып жазылды. Оның есесіне социализмнің салтанат құруына үлкен үлес қосып, коммунистік партияның ісіне шын берілген «тұлғалардың» қоғамдық-саяси қызметін зерттеуге жол ашылды. Сондықтан да алаш қайраткері М. Дулатовтың қоғамдық қызметін талдауда біржакты теріс пікір қалыптасты. Зерттеушілер оның қызметіне «буржуазияшыл-ұлтшыл», «контрреволюцияшыл», «халық жауы» деген баға берді. Мұндай тұжырым М. Дулатовқа қатысты кеңестік зерттеулердің барлығына ортақ болды.

Алаш зиялышы турали пікір Қазақстан тәуелсіздік алғаннан кейінгі кезенде ғана объективті түрде жазылып, ғылыми жүйеге түсіп зерттелуде. Бұғынгі ұрпақ үшін ұлт зиялышарының қандай ауқымды тарихи міндепті орындағаны енді ғана белгілі болып отыр.

Тарихтың өзі Алаш қозғалысы идеясының өмірлік негізі күшті екендігін айқындалап берді. Ә. Бекейханов, А. Байтұрсынов, М. Дулатов сынды ұлт зиялышарының арман-мақсаттарының орындалғанына бүтінде тарих күә, олар халқының азаттық алғанын көре алмаса да, оның күні тұатынына сенімдері күшті болды. Алаш зиялышарының қайраткерлік тұлғалары осы тұтастығымен, өз ерік-жігерін, күшін халық ісіне сарқа жұмысаудың ерекшеленеді. Олардың идеяларының өзектілігін, құндылығын, өміршен идея екендігін бүтінгі тәуелсіз Қазақстан мемлекетінің болмысы толық айқындейді.

Ғасырымыздың басында қазақ қоғамының жетекшісі, қолбасшысы болған зиялышар шоғырының катарында М. Дулатов та халқына бостандық әсеруге, тұрмыс жағдайын өзгертуге, өркениет бүйгіне көтеруге бар ғұмырын арнаған.

М. Дулатов сияқты ірі тұлғаның өмір жолын, қызметі мен қоғамдық саяси көзқарасын талдауға арналған зерттеу жұмысының ол өмір сүрген тарихи кезеңдегі халқымыздың тарихына қатысы бар көптеген мәселелердің тарихын айқындейді.

Методологиясы

Зерттеудің методологиялық және теориялық негізіне – қоғамдық ой-пікірді қалыптастырыған, соның ішінде ағартушылық бағыттағы көрнекті тұлғалардың өмірі мен қызметін зерттеуде қалыптасан жаңа концепциялар мен ойтұжырымдар алынды. Сондай-ақ, тарихи-логикалық, тарихи-компаративистикалық, герменевтикалық әдістер қолданылды. Алаш зиялышарының ағартушылық, азаттық, еркіндік идеяларына тарихи тұрғыдан баға беріліп, сынни ойлау мен салыстырмалы әдістер жүзеге асырылды. Кеңестік жүйеге, коммунистік идеологияға қатысты соңғы қалыптаса бастаған ғылыми тұжырым концепцияларды ескере отырып, тарихи талдау, салыстыру әдісін қолдану арқылы қайраткер өмір сүрген және қызмет жасаған күрделі тарихи кезеңнің ерекшелігі қамтылды.

Салыстырмалы-тарихи талдау әдістері арқылы Алаш зиялышарының азаттық идеясының құндылығы бүтінгі біздін құндылықтарымызбен, болмысымызбен байланыстырылды.

Зерттеу еңбегінің нәтижелерін ұлт-азаттық қозғалыс тақырыбына арналған зерттеу еңбектеріне, тұлғалардың ғұмырбаяны бойынша жазылған еңбектерде, жоғары оку орындарында «Тұлғатану», «Патриотизм» тақырыбына арналған ғылыми-танымдық кештерде пайдалануға болады.

Кенес билігі тұсындағы ұстанымы, қоғамдық-ағартушылық қызметі арнайы қарастырылып, қазақ мәдениетін, өркендетудегі ұйымдастырушылық еңбегі талантты публицист-журналист ретінде қазақ баспасөзін, мәдениетін, дамытуға қосқан үлесі жаңа құжаттық деректер, мақалалар, естеліктер негізінде талдауға алынды.

Міржақып Дулатов идеясы: талдаулар мен көзқарастар

Егемендік алып, жеке мемлекет ретінде тәуелсіздігімізді жариялағаннан кейін еліміздің алдында тұрган басты міндет-тәуелсіздікті сақтап, мемлекеттілігімізді ғылайтын. Ғасырлар бойы ата-бабаларымыздың армандаған келген ұлт бірлігін ғылайтын, ел тыныштығын, жер тұтастығын сақтап оны ғылайтын бағыттарын айқындастырын Президентіміз Н.Ә. Назарбаевтың дәстүрлі Жолдаулары екені белгілі. 2014 жылғы қантардағы Елбасының «Қазақстан жолы – 2050: бір мақсат, бір мұдде, бір болашак», атты Жолдауында жалпыұлттық идея – болашак табыстардың негізі екені баса айтылды. Ал, ен бастысы Жолдауда – еліміздің рухын көтеретін, ұлы мақсаттарға жеткізетін «Мәңгілік Ел» ұлттық идеясы жарияланды.

«Мәңгілік Ел» идеясы – елімізді өз мақсатына талай дәуір сыйнынан сүріндірмей жеткізетін тұғырлы идея екені даусыз. Осы идеяда қамтылған стратегиялардың бағыттары дамыған 30 елдің қатарына кіруімізге жаңа серпін беретіні сөзсіз. Республикалық Президенті Н.Ә. Назарбаев «Мәңгілік Ел» идеясының мәні мен маңызын былай бағамдайды: «Мәңгілік Ел» – ата-бабаларымыздың сан мың жылдан берігі асыл арманы. Ол арман – әлем елдерімен терезесі тәң қатынас құратын, әлем картасынан ойып тұрып орын алатын Тәуелсіз Мемлекет атану еді. Ол арман – тұрмысы бакуатты, тұтіні тұзу ұшқан, ұрпағы ертеңіне сеніммен қарайтын бакытты ел болу еді. Біз армандарды ақиқатқа айналдырық. «Мәңгілік Елдің» іргетасын қаладық. Мен «Мәңгілік Ел» ұғымын ұлттымыздың ұлы бағдары – «Қазақстан-2050» Стратегиясының түп қазығы етіп алдым», (На-

зарбаев, 2014). «Мәнгілік – Ел» идеясына жаңа серпін берген Президент Н.Ә. Назарбаевтың 2017 жылы 12-сәуірде «Болашаққа бағдар: Рұхани жаңғыру» және 2018 жылы 21 сәуірде жарияланған «Ұлы даланың жеті қыры» бағдарламалары. Біздің пікірімізше, «Рұхани жаңғыру» және «Ұлы даланың жеті қыры» идеялары-ұлттың рухын, адамның ізгілік қасиеттерін, елдің елдігін артыратын құндылықтарды біріктіретін халқымыздың бүгінгі бағыт міндеті.

Алаш зиялышыларының идеялары азаматтықтың биік үлгісі ретінде Елбасы Н.Ә. Назарбаевтың «Рұхани жаңғыру» идеясымен ұштасып қазақ елінің тарихи жадында қайта жаңғыру үстінде.

Ресей атты XX ғасырдың аса алып империясының Петербург, Мәскеу сынды орталықтарында женіске жеткен Қазан төңкерісі көп ұзамай барлық провинцияларға тарап, коммунистер билік басына келді. Бұл төңкеріс Ә. Бекейхановтың, А. Байтұрсыновтың, М. Дулатовтың және олардың саяси серіктегінің соңғы жылдары бар жан-тәнімен күш салып күрескен Алашорда автономиясын азамат соғысында қарудың қуатымен жоқ қылды.

Қазақ зиялышылары Қазан идеяларын жат көріп, оны қабылдауға, жұртына оның «дұрыстығын» насихаттауға асықпады. Бұл тұс М. Дулатов үшін де жолайрық кез, барлық дүниетанымының, тәжірибесі мен ақыл-парасатының сынға түскен уақыты болды. Біреулер тұйыққа тіреліп, халық мұддесін қара басының қамына сатса, енді біреуі тез арада түрленіп «большевик» болып кетті. 1917 жылғы Қазаннан бергі уақытта жарық көрген М. Дулатовтың туындылары (Мадияр, 1918:263), оның терен толғанысын, зиялыштар саяси ұстанымдағанылыс тапса, ұлтына ұлken зиян келтіретіндігін сезінгендігін көруге болады. Сонымен бірге, ол қыншылықтарға мойынады, ойының сергектігін танытып елін де ойланыратын, көп болып жол тандаудың қажеттігін жазды.

Алаш зиялышылары Кеңес өкіметін еркінен тыс, амалсыз мойындауға мәжбүр болды. Бірақ, М.Дулатов тұрасында айтсақ – мойындау-мойынсұну емес, коммунистер билігін тану – өзінің өмір бойғы ұстанған көзқарастарынан бір мезетте айналип, халқының тағдырынан бас тарту емес еді. Билік басына қандай өкімет келмесін, халқына адал қызмет етуді мұрат тұтқан ол, жана жағдайға бейімделуге тиіс болды. Елдегі қалыптасқан саяси жағдай оған басқа жол тандау мүмкіндігін қалдырмады.

1920 жылдың қыркүйек айында Омбыға келген М. Дулатов, ондағы Губерниялық

атқару комитетіне барып тіркелді (ҚРҰлттық Қауіпсіздік комитетінің архиві – бұдан әрі ҚРҰҚА124-к, 1-т., 78754-ic, 105-п). Осы мезгілден бастап, М. Дулатов Кеңес өкіметі оған жүктеген қызметті өз дәрежесінде сапалы және жауапты атқаруға күш салды.

Алғашқы кезеңде Кеңес үкіметі ұлт зиялышыларын оқу-ағарту және мәдени құрылыш жұмыстарына тартады. А. Байтұрсынов, М. Дулатов және тағы басқа ұлт зиялышылары осы салаларда қызмет жасады.

М. Дулатов Кеңес үкіметіне деген өзінің көзқарасын, өткен өміріндегі ұстанған саяси позициясын толық жазып, Омбыда шығатын «Кедей сөзі» газетінің 1920 жылғы 7-қарашада шыққан санында «Октябрь төңкерісінің үшінші жылы», – деген айдармен мақаласын жариялады. Бұл оның Кеңес үкіметін жақтап жазған алғашқы мақаласы еді. “Осы кезге дейін істеген қызметтімді санамас бұрын, мынаны айтқым келеді, менің ашыла, арыла сөйлеуім өзімнің ерік құқынан туды, бұлай етуге мені ешкім итермелеп қорқытпады, өз ұттымның алдында дәл осылай есеп беруді жөн көрдім” - дей келе М. Дулатов Кеңес үкіметіне дейін басынан ерік, қолынан билік кеткен халқының аянышты жағдайын күйзеліп егжей-тегжейлі баяндал, ойын былай тұжырымдайды: “Октябрь төңкерісінің өткен екі жылғы мейрамын біз мейрамдаған жоқ едік. Енді бүгінгі күн шын мейрам болды. Бүгінгі күн жер жүзінің еңбекшілеріне ұран шақырылған күн.

Бүгінгі күн “адалдық”, “тәндік”, “бостандық” туы көтерілген күн. Көп күндерді тарих ұмытар. Бірақ бүгінгі күнді Октябрь төңкерісін ұмытпас! Баянды болсын Октябрь төңкерісі! Көгерсін Күншығыстың елдері!” (Дулатов, 1920).

М.Дулатов Октябрь төңкерісіне байланысты айтқан ойларынан бар саналы ғұмырының елінің тендігі үшін арнаған қайраткердің, енді Кеңес үкіметінің саясатымен есептесіп, сенім артқанын аңғарамыз. М.Дулатов өзінің айтқан ойларын шынайылығын енді іс жүзінде көрсетеді. Алғашында Омбыда бір-екі ай, Ақмола губерниялық халық ағарту белімінде және Сібір халық ағарту белімінде нұсқаушы-инструктор болып қызмет жасайды. 1920 жылы қарашадан М. Дулатов Ташкентке келіп, Түркістан Коммунистік партиясы мен Орталық Атқару Комитетінің органы «Ақ жол» газетінің жауапты хатшысы болып орналасады (The REMBU). Бұл уақытта қазақ зиялышыларының бір тобы Қазақ АССР-нің астанасы Орынборда, енді бір тобы Түркістан АССР-нің астана-

сы Ташкентте жұмыс істеді. Бұның өзіндік саяси мәні бар еді. М. Дулатов бұл туралы және өзінің Ташкентке келіп қызметке орналасуы туралы: «Ташкентте мен өзімнен бұрын келген бірнеше азаматтарды кездестірдім, көпшілігі алашордашылардың өкілдері болды. Олардан мен Қазақстанға қарағанда, Туркістанда жұмыс істеудің жақсы екендігін, өйткені жергілікті мамандардың аздығынан сырттан келгендерді қызметке алатындығын білдім» (ҚРҰҚА 124-қ, 4-т., 78754-іс. 106-п).

Негізі Кеңес үкіметі ұлт зиялышарын қызметке тартқанмен оларға жете көңіл бөлмеді, қызмет етуге еркіндік бермедин, керісінше партияға кірген бұрын басшы орындарда қызмет атқармаған, саяси сауаты төмен азаматтарды тартты. Бұл турасында М. Дулатов: «Қазақстанның орталығы Орынборда отаршылдық күшті, онда қазақ қызметкерлеріне қызмет етуге еркіндік бермейді, партияға бұрынғы шенеуніктер, тілмаштар, мансапқорлар көп кірген. Ол уақытта Қазақстанда партияға кірген әлгідей бұрынғы шенеуніктер, тілмаштар, мансапқорлар үкіметке, партияға жақсы көріну үшін рас болса да, өтірік болса да, Алашорда адамдарын жамандайтын, сондықтан Қазақстаннан қазақ қызметкерлерінің бір қатары Түркістанға келген, қалғандардың арасында мүмкіншілігі болса Түркістанға кетуді тілейтіндер көп болған, мұнда қалып одан кейінгі жылдарда да (Түркістан қазақтары Қазақстанға қосылғанша) болып тұрган», -дейді. Осы сәтті тиімді пайдаланып, Түркістан үкіметінің басында тұрган Т. Рысқұлов, С. Қожанұлы, И. Тоқтыбаев, Н. Төреқұлұлы сияқты қайраткерлер Қазақстаннан келген зиялышарды қызметке тартып орналастырган еді. М. Дулатов та Түркістанға келген зиялышардың қатарында 1920-жылы 7-желтоқсанда ашылған «Ақ жол» газетінің жауапты хатшысы болып кіріседі. «Ақ жолдың» редакторы С. Қожанұлы болды. Кеңес үкіметі тұсында М. Дулатовтың көп қызмет еткен баспасөз саласы болды. Бір М. Дулатов емес, Ж. Аймауытов, М. Жұмабаев басқа да ұлт зиялышары түрлі басылымдарда қызмет етті. Бұрын да баспасөз саласында қызмет жасаған зиялышар бұл іске мүдделілік танытты, екінші жағынан бұл олардан басқа баспасөз жұмысын алға қоятын мамандар жоқтығымен де байланысты болса керек.

«Ақ жол» газетінің бетінде М. Дулатов қазақ өлкесіндегі түбірлі өзгерістерді, жүріп жатқан саяси науқандарды жүртқа түсіндіріп, халықтың білім алуына жол ашылғанын дәріптеп макалалар жазды. Тәжірибесі шындалған журналист, пу-

блицист М. Дулатов бар таланттын жаңа өмірді құру ісіне жұмсайды. Дегенмен, М. Дулатовтың қызметінде бұл жаңа белес оңай қалыптасқан жоқ. Егер біз М. Дулатов Кеңес үкіметінің Қазақстанда жүргізіп отырған саясатына көnlі толды деп ой тұжырымдасақ, кателесеміз. Өйткені М. Дулатов сынды “өз принциптеріне” берік, сөзіне, ісіне үлкен жауапкершілікпен қарайтын, өз ұлтының тағдырын тереңінен ойлайтын, азаматтық қасиетін жете бағаламаған болар едік. М. Дулатов саяси әлеуметтік-экономикалық өзгерістерге баға беруде, Кеңес құрылышын дәріптеп қана қоймай, қазақша зиянды жақтарын да көрсетіп, өз ойын ашық білдіріп отырды.

Негізі Кеңес үкіметі ұлт зиялышарын қызметке тартқанымен, олардың біліміне, тәжірибесіне, кез келген істі ұйымдастыра білетін іскерліктеріне сенімсіздік көрсетіп, кейде жете көңіл бөлмей, жұмыстарына ашық қысым көрсетіп, қызмет етуге еркіндік бермедин. Бұл құбылыс Кеңес үкіметінің алғашқы жылдарында қатты байқалды. Керісінше басшы орындарға саяси сауаты төмен жікшіл, атқамінер, жершіл азаматтарды тартты. Коммунистер билеген Кеңес үкіметіне озық ойлы, өз ұлтының тағдыры жөнінде негізді салиқалы ой, ұсыныс балама пікір айтатын ұлт зиялышары жақпады. М. Дулатов мемлекеттік басқару және атқару орындарында осындағы келеңсіз құбылыстардың жедел қарқын алуын алуын және ұлт мүддесінен өзінің жеке мүддесін жоғары қоятын шенқұмар, билікқұмар зиялышардың көптігі туралы өзінің пікірін ашық білдіріп, “Қазақ зиялышары” атты көлемді мақаласын жариялады: “Біздің қазақ-қыргыздың оқығандары санаулы. Партияда бары да, жоғы да бәрімізге белгілі. Бізден коммунистер шыға бастағанына әлі екі-үш жылдан асқан жоқ. Өзге жүрттағылар секілді біздің қазақта да өтірік коммунистер, партияны ластап жүргендердің арасында да шын жүртшыл, еңбекші тапқа жаны ашитын, Кеңес үкіметіне ынта көнілмен қызмет етіп жүргендер де жоқ емес. Олай болса, қазақ-қыргыз зиялышарын сөз қылғанда бұларды партияда бар, жоқ демей, жамыратып жіберіп тексеру керек. Шынын айтқанда, күні кеше бәріміз де ұлтшыл емес пе едік? Қазақ оқығандарының әуелгі тобы ұлтшылдар емес пе еді? Февраль төңкөрісіне дейін Европаның саяси партиясына кірген қазақ болса, кәне айтсыншы! “Мен әлімсақтан бері коммунист едім... мен 1905 жылдан бері партияда едім” деушілердің ертегісі біздің кулагымызға кіріпте шықпайды. Ат сырғы иесіне мәлім. Біз білмейтін

қазақтың сыры жоқ!” (Дулатов, 1921) – дей келе Міржакып Дулатов тұған халқының қамын шын ойлайтын, елінің болашағы үшін қалтықсыз қызмет ететін азаматқа “көзбояушылыққа” салынып “коммунист” болудың қажеті шамалы екендігін, “коммунист” болғандардың көпшілігі кезінде халықтың үстінен күн көрген, паракор, патша өкіметінің тыңшысы болған, арсыз, на-мыссыз жандар екенін, әлі де болса халықтың қамы үшін ешинарден тайынбай жаңын салып қызмет ететін бұрынғы “ұлтшыл” зиялыштар екенін ашық жазып, ойын былай сабактайты: “Енді бұғін Кеңес үкіметі дәуірлеп, коммунистер партиясы жолбасшылық етіп отыр екен; қазақ-қырғыз секілді езілген елдерге бостандық, тенденциялық үкіметтің түсіндік, көзіміз жетті. Партияға кіргендеріміз де бар. Партияға кіргендер кіргендерді шакырып та отыр. Бірақ бізге енді шешетін мәселе қайсы? Біздің қазір ортақшыл болып отырғандарымыз кімдер? Бұл сұрауларға берілетін жауап әркімге ақ анық-ау деймін: бізден қазір шын коммунист болдым деп отырғандар (өтірік коммунистерді айтпаймын) кешегі ұлтшылдар. Мұнан кейін де шын коммунист болуға жарайтындар тағы да сол бұрынғы ұлтшылдар. Үшінші қазіргі жаңа талап жас буын. Әйтпесе, күні кеше ұлтшыл болуға жарамай өз басының қамын ойлап жылтыр түйме таққанына мәз болып, переводчик болып пара алып, пристав болып халықтың қанын сорып, болыс болып ел бүлдіріп, тыңшы болып шағым жүргізіп соғылғандар бұғін қолына қызыл ту алып, “коммунист” бола қалды екен деп кімнің іші елжірей қалады. Мұндайлар жоқ емес, құдайына шүкір бар. Әсіресе біздің Қазақстанда толып жатыр”, – дей келе партияға ары таза, жауапкершілікті сезіне білетін азаматтарды тарту қажеттігін, жалан науқаншылдыққа ұрынбай: “Әуелі партияға кірушілердің көбеюін мақсат көруден бұрын аз да болса тазалық жағына көз салсандар екен дейміз. Шын таза, шын еңбекшіл, шын жұртшыл азаматтар партияға кірсе олардың соңынан жұрт та ереді. Олармен жолдас болудан кешегі ұлтшылдар да бүтінгі жаңа талап жастар да қашпайды”, – деп тұжырымдайды. Кеңес үкіметі “Қазақтың ескі оқығандары”, – деп жіктеген ұлт зиялыштарының “ұлтшылдық” позициясы тура-лы М. Дулатов: “Біздің ұлтшылдарымыз қанша еді?” – деп қайрыла сұрақ қойып: “Шын ұлтшылдық өзі аз еді. Ұлтшыл еместердің көбі өзімшіл, дәрежекұмар, парашыл, шағымшыл,

зорлықшыл еді. Ол заманды қазақ оқығандары неге ұлтшыл болды, неге өзге онды-солды Европаның саяси партияларына кірмеді. Бізді ұлтшыл қылған нәрсе, біздің кемдікте, қорлықта жүргеніміз. Көрінгенен соққы жегеніміз еді. Егер тенгерең табылады екен, ұлтшылдықты ортақшылдыққа айырбастауымыз қын емес. Адамның алдымен адам сипаты болуы шарт. Өзінен басқаның тілегін тілей алмаған. Арын-иманың қарабасының пайдасы үшін қысқа күнде қырық сататын соғылғандардан қаны тамып тұрған ұлтшыл артық”, – деп ойын ашық тұра айтқан М. Дулатовтың батылдығына сүйсінбеске шарамыз жоқ. Дегенмен, халқын қандай үкімет билесе де, дұрыс саясат жүргізуін талап еткен қайраткер өзінің ұсыныстарын нақты көрсетіп айттып өтеді. Ол: “Партиядагы жолдастар араларындағы арамзаларды аластап шығарсын. Тұзу саясат жүргізіп, “қазақшылдықты” та-стап, шын ортақшылдық жолындағы әуелгі өрнегімен жүрттың ықыласын өздеріне аударып алсын, қолынан іс келетін шын таза азаматтарға “ұлтшылдық” таңбасын басудан бұрын бұларды іске кірістіріп, сендіріп, соңына ертсін, шын бірлік сонда табылады.

Көбейсін ортақшылдар!

Көркейсін алаш армандарының бірлігі!” (ҚРҰҚҚА 124-к, 1-т., 78754-іс, 46-п) – деп келелі ой тастап мақаласын аяқтайды.

“Қазақ” газетінде қызмет атқарып, қаламы төсөлген журналист М. Дулатов “Ақ жол” газетінің беделінің өсуіне атсалысты. Газеттің алғашқы сандарында М. Дулатовтың мақалалары жиі басылды “Ақ жол” газетінде жарияланған мақалаларында М. Дулатов жаңа Кеңес үкіметі саясатының мәнін ашып, халыққа жол сілтеп, “осы біз қандай бағытпен кетіп бара жатырмыз”, – деген саяул қойып, “жаңа қоғамға бейімделу қажеттігін айттып қазақ халқына ең тиімді жол жерден айрылма, егін ек; отырықшы бол, егіншілікпен айналыс, сырттан келген келімсіктерге жерімізді беріп, қол қусырып отырмайық, өз жерімізге иелік етейік”, (Дулатов, 1921) – деп үндеу айтады.

Бұл оймызыды М. Дулатовтың “Ақ жол” газетінің үш жылдық мерейтойына арнап жазған “Үш жыл” атты мақаласы айқындағы түседі. Мақалада “Ақ жол” газетінің тарихи қызын кезенде жарыққа шыққанын, “арқалаған жүгінің ауыр екенін, тап тартысы күшейіп тұрған кезде “Ақ жол” газетінің үш жыл басылып шығып, төртінші жылы шыққанын айтады. Одан әрі қайраткер ойын былай сабактайды:

“Біз кім болсақ та дегенімізге жетуіміз үшін

алдымен мәдениетті болуымыз шарт. Қазақ-қырғыздың көпшілігі еңбекшіл екен, жүзге келмейтін ат төбеліндегі байды да, манапты да, мырзаны да есепке қоспалық, 5 адам халық емес, 95 адам халық. 95 еңбекшілдің жолына әлгі бесеуін құрбан-ақ қылайық. Соңда қалатын тоқсан бесіміз надан болса, мәдениеті төмен болса, өз атының басын өзі алғы жүре алар ма, адамшылық дәрежесіне жете алар ма, азаттық жолына жете алар ма?

- Жоқ. Оның бірі де болмайды. Надан қараңғы құнімізде біз бостандық жемісін жей алмаймыз, төңкеріс табыстарына ие бола алмаймыз. Олай болса, біздің алдымен көксейтініміз мәдениет. Мәдениетіміздің қаншама ілгері алға басқанын, иә кері кеткенін көрсетіп отыратын қатасыз өлшеуіштің бірі газет. Ерік те, елдік те, ерлік те, не тілектің бәрі де мәдениетті өркендету арқылы ғана табылады деп иман келтіру керек. Үміт осылай; бұл үміт босқа кетпесіне сенеміз” (Дулатов, 1923). М. Дулатовтың бұл айтқан ойлары мынадай тұжырымға жетелейді. Сонау 1909 жылдан бастап “Оян қазақ!”, – деп халқын окубілімге, мәдениетке шақырған ол, егер енді заман ағымына сай білімге, өнерге үмтүлмайтын болсақ, ұлттық, мәдениетімізді көтермейтін болсақ, өзге озық ұлттардың жетегінде тағы кетерсің... Сондықтан надан, қараңғы күйінді артқа тастан, өнерге, білімге, мәдениетке үмтүл, деп ой тастан, өзінің қоғамдық-ағартушылық қызметінде басты принцип еткен ұранын басып айтқанын аңғарамыз. М. Дулатов бар құшжігерін салып, баспасөздің беделін қаншалықты дәрежеге көтеруге атсалысқанымен, еңбегі өз дәрежесінде бағаланбады. Алаштан бас тартса да, ұлтшыл ретінде көз түрткі болудан, кудаланудан құтылмайды. М. Дулатовтың журналист ретінде еркін жұмыс істеуіне мүмкіндік бермейді. Осы мәселелеге байланысты архив деректеріне тоқталуды жөн көрдік, М. Дулатов 1929 жылы 1-қантарда ОГПУ – тергеушілеріне берген жауабында “Ақ жол” газеті туралы өз ойын былай білдіреді “Ақ жол” газетінің бағыты және мазмұны туралы баспасөз беттерінде көп пікірталас жүрді. Бірақ оның бәрі менің қызмет еткен уақытыма сәйкес келмейді” (ҚРҰҚҚА124-қ, 4-т., 78754-ic. 98-99-п.). М. Дулатовтың “Ақ жол” газеті туралы бұл ойды айтуының негізі бар еді.

1925 жылы 29-мамырда И.Сталин Қазақ өлкелік партия Комитетінің бюросына өлкелік “Ақ жол” газетінің саяси бағытына байланысты хат жолдайды. И.Сталин хатында: “Жуырда менің “Ақ жол” газетімен танысуға мүмкіндігім болды”-деген бастапқы сөзімен-

ак “халықтар көсемі” “Ақ жолда” жарияланған сыйни мақалаларға талдау жасап және олардан алаштық интеллигентцияның қастық әрекетін көріп, түбірінен газетті жедел түрде қайта ұйымдастыруды, одан партияда жоқ интеллигенттерді қуып жіберуді міндет етіп тапсырады.

И. Сталин: «Мен партияда жоқ интеллигенттерді кеңес жұмысына тартуды барынша жақтаймын. Егінхалкомы, халық шаруашылық кеңесі, кооперация және басқа да шаруашылық органдар бұл адамдарды, олар біртіндеп кеңестендіре отырып, мейлінше пайдалануы тиіс. Мен сондай-ақ партияда жоқ интеллигенттерді қырғыз (қазақ) мәдениетін орнықтыру ісіне тартуды да жақтаймын. Қырғыз тілінде оқулықтар құрастыру, мәдениет саласында бұл адамдардың пайдаланылуы тиіс басты майдан. Бірақ та мен партияда жоқ интеллигенттердің саяси және идеологиялық майдандағы құрес ісіне жіберілуіне мүлде қарсымын. Мен парияда жоқ интеллигенттердің қырғыз жастарына саяси және идеологиялық тәрбие берумен айналысұна қарсымын. Біз өкіметті жастар тәрбиесін партияда жоқ буржуазиялық интеллигенттерге тапсыру үшін алғанымыз жоқ. Бұл майдан толығымен және түгелдей коммунистерге қалдырылуы керек. Оның Киргизияда (Қазақстанда) Шоқаевтардың жеңісі сөзсіз жүзеге асады (ҚРПА141-қ, 1-т., 479 “А”-іс, 1-2-п.)» мәселеге қатысты шұғыл шара қолданылуы Қырғыз өлкелік Комитет бюросының барлық мүшелеріне тапсырылды.

Сталиннің хатында М.Шоқайдан басқа ешкімнің аты аталмаған, оның есімі төрт рет қайталаған. Дегенмен, көсемнің өршелене қарсы шыққан «партияда жоқ интеллигенттер» деген сөзі өзге қызметкерлерінен гөрі, алдымен М.Дулатовқа бағышталғандай.

Қайраткердің қызы Гүлнэр Дулатованың айтуына қарағанда, М. Дулатов коммунистік парияның қатарына кірмеген. И. Сталиннің тапсырмасынан кейін Қазөлкем басшыларды М. Дулатовты нұсқаған деп түсінген болуы керек. Олар М. Дулатовты бірінші кеzekте газеттен жұмыстан шығарды. Бұрынғы Алашордашылардың саяси ықпалынан мүлде айырды, «коммунистендіру» максатында газет редакциясын Ташкенттен Шымкентке көшіріп, оны республикалық органнан Сырдария губерниялық органға айналдыру жөнінде қаулы шығарды (Касқабасов, 1994:90). Редакторы, редакция алқасының күрамы түгелдей жаңартылды. М. Дулатов және басқа ұлт зиялыштары күлғаннан

кейін, газеттің беделі де төмендеп, таралымы 10 мыңдан 3 мыңға түсті (КРПА141-қ, 1-т., 377-іс, 4-п). Көп ұзамай РКП (б) Қазақ өлкелік 5-конференциясында 1925 жылы Ф. Голощекин «Ақ жол» осыдан аз фана бұрын антикоммунистік сипатта болып келсе, қазір өз бағытына түсіп, буржуазиялық-ұлтшылдық ауытқушылықта жол бермейді. Эйтсе де, астарлы сөзben, «Эзоп» тілінде жазуды қоймайды. Коммунистік газет әрқашан ашық жазу керек. «Біз Қазақстан баспасөзіне парияның берік басшылығын орнатамыз», – (КРПА141-қ, 1-т., 28-іс, 17-п) деп М. Дулатов сынды ескі оқығандарға бұдан былай идеологиялық орындарға жол жоқ деген саясатын жүргізетінін білдірді.

Білік орындары тарапынан көрген қысымдарға қарамастан М. Дулатов бар таланттың «Ақ жол» газетінің көркейуіне, халық арасында кең таралуына арнады. М. Дулатов «Ақ жол» газетінде 1920 жылдың қараша айынан бастап, 1921 жылдың мамыр айына дейін қызметтің атқарады.

«Ақ жолдан» кейін М. Дулатов ұзак уақыт бойы ешқандай баспасөз редакциясына алынбады. Бүкіл қазақ зиялыштарының тағдырына кесірі тиғен И. Сталиннің хаты М. Дулатовтың да қолына «қара билет» ұстасып кеткендей болды. «Ақ жолдың» бағытының өзгеруі, одан М. Дулатов сынды халық жанашырларының аласталуы қазақ ұлтының рухани өміріне соққы болып тиді. Еліне жүрек жарды сөзін жаятын мінбеден айырылуы М. Дулатовтың жеке басының трагедиясы да болғаны анық. Бұл оның онсызда қыншылығы мол өмірінің ауыр белесі, азamatтығына сын еді. Алайда әлеуметтік-әділетсіздіктің жөнсіз қиянат пен соракылыштың небір түрлері басынан өткен М. Дулатов бұл саяси қысымға мройынұсынған жоқ. М. Дулатовтың қызметтің ауыстыруына тұра келді. 1921 жылдың мамыр айында отбасы жағдайымен Семей қаласына келеді. 1921 жылы жаз айында Семей уезінде халық тергеуші болып, осы жылдың күз айында Семей губерниялық Кеңес халық сотының орынбасары болып тағайындалады (КРҰҚА, 124-қ, 1-т., 78754-іс, 105-п.).

М.Дулатовтың осы қызметке орналасуын көрсеттін 1921 жылы 8-желтоқсанда өткен Семей губерниялықхалық сотының жалпы жиналышының көшірмесінен үзінді келтірейік: “Жолдас М. Дулатовты Кеңес халық сотының сот қызметкері қызметіне бүгінгі күннен бастап кірісуі туралы Губерниялық Халық сотының председателінің ұсынысы негізінде М. Дулатов жолдас бүгінгі күннен бастап Губерниялық

Халық сотының орынбасары болып тағайындалды. Губерниядағы қырғыздардың (казактардың) ісі барлық бөлімін менгеру және губерния соттары мен тергеушілерге нұскауышы болып бекітілді” (Мұхамедханов, 188-189) – деп шешім шығарады.

Семей уезінде тергеуші болып қызмет істеген М. Дулатов жұмыс бабына қарай елге жиі шығады. Ел ішіндегі даулы мәселелердің көптігі соншалықты тергеушілердің дамыл көрмей істеуіне тұра келген, өйткені әділет іздең анталаган халық демалуга мұрша бермеген. Бұл туралы М. Дулатов: “Осынша көптің жұмысы “закончілөп” бітіремін деген сот ауылда екі жыл жатса да біттеп емес. Ол кезде әлі қылмыс заңдар шықпаған, сот қызметкери істің ақ-қарасын “төңкөрісшілдік арымен”, социалистік сана жолымен фана айыратын шақ еді” (Дулатов, 1924) – деп айтуы дәлел. М. Дулатовтың қазақ әйелдерінің тағдыры, ауыр тұрмысы көп ойландыратын. Эйел тенденциясы мәселесін көтеріп, қазақ қызының бас еркіндігі жоқ екенін бейнелеп “Бақытсыз Жамал” атты роман жазғаны да мәлім. Қазақстанда Кеңес үкіметінің орнығуымен әйел тенденциясындағы заң түрінде қол жеткізгендемен, бұл іске сүйекке сіңген қазақылық әдет көп кедергі болған еді.

М. Дулатовқа өзінің бас еркіндігін әперуге кемектесуді սұраған қазақ қыздарының арызы жиі түскен. Бірақ іске келгенде қыздар атанаасының ырқынан шыға алмай, арыздарын алып үнсіз кеткендері де болған. Әжеттілік танытып еркіндік алған қыздың тағдырын қазақ қыздарына үлгі етіп ой тастау мақсатымен оның “Еңбекші қазақ” газетінде “Сол қыздың атын ұмыттым” – деп аталаған мақаласы жарияланды. Онда: Төрт жыл ішінде сот істерінің дұрысталғанын, қазақ даласында кемшіліктер түзетілгенін айтып, бірақ әлі де болса, “ұлы мақсатты тілектердің бірі-әйел тенденциясы әлі де көңілдегідей жүзеге асқан жоқ. Бұған себеп елдің сүйегіне сіңген ескі әдептің әлі де құштілігі, әйел тобының көзі ашылышы жетпеуі, бостандық қадірін анық білмеуі, ел ішіндегі соттардың салақтығы-олақтығы, тағы-тағылар. Қара басының бостандығын көксеген әйел жігерлі болса, қазақ ішіндегі соттар катаң, қызметтің біліп істеп жолдан таймайтын болса, өдег-ғұрып қанша құшті болғанмен жоғалмасқа шара жоқ (Дулатов, 1924)” – деп нағысқа тиетін жігерлі сөздерімен ойын аяқтайды.

Сонымен М. Дулатов 1921-1922 жылдың мамыр айына дейін Кеңес халық сотында сот қызметкері қызметтің атқарады. Жауапкершілігі ауыр сот қызметтің қайраткер адад орындаады..

Баспасөз беттерінде өзі күә болған қылмысты істерді, дау-жанжалдарды талдаң, жастардың жаман әдеттен аулак жүруін үндеп мақалалар жазды. Атап көрсетсек, “Халық соты”, “Сот қайтсе түзеледі”, “Ұрлық қайткенде тыллады?”, “Сол қыздың атын ұмыттым...”

“Ұрлық қайткенде тыллады?”,- атты мақаласында ол өзінің қолынан өткен қылмыстарға талдау жасап келіп, “Ұзын сөздің қысқасы, ұрлықты тыю үшін, бірінші жүрттың шаруашылығын көтеріп, енбекке баулу керек, екінші сот қызметкерлерін тазартып, білімін молайтып, тұрмысын ондап, халық көзінде олардың беделін көтеру керек. Осы екі жолға түспесек, құр аттан салғанмен ұрлық тылмайды” (Дулатов, 1924) – деп ой тұжырымдайды.

Бұл қызметі туралы М. Дулатов: “Асыра айтқандық емес, қысқа мерзімде менің белсенді және адал қызмет етуімнің арқасында сот мекемелерінің беделі көтерілді, әсіресе қазақ бөлімін жұмысы алға басты. Мен қазақ бөлімін басқардым. Бұл сол уақытта Семейде қызмет атқарған жолдастардың бәріне аян” (ҚРҰҚҚА, 124-к, 1-т., 78754-ic, 105-п).

М. Дулатов халқын қандай өкімет билегеніне қарамастан, оның көркейген жарқын болашағын армандаң, соның қамын тереңнен ойлаң, сол жолда адал қызмет атқарған қайраткер. Кенес өкіметі тұсында М. Дулатов, өзін әр қырынан танытты. Оқытушы, жазушы-публицист, аудармашы, журналист ретінде қыруар мәнді де, маңызды істер атқарды.

Қорытынды

М. Дулатов – қазақ ұлтының нағыз ұлтжанды патриоты, оның бүкіл саналы ғұмыры туған халқын өркениет биігіне көтеру мақсатындағы жалынды күреспен өтті. Ұлы арман жолында М. Дулатов өз ұстанымынан тайған жоқ.

М. Дулатов өзінің идеясының, ұстанған принциптерінің өміршендігіне құмәнсіз сеніп өмірден өтті. ОГПУ тергеушілеріне берген жауабында ол туған елінің бостандығы үшін өзінің еткен еңбегін саралай келіп, ойын былай тұжырымдайды: “Өзім өскен ортадан шыққан, өзім алған білімді сіңірген бір адам үшін бұл аз шаруа деп санамаймын. Көп те емес болар. Эйтсе де, бар міндетімді осымен біттіге санап қол кусырап жайым жоқ. Ғұмыр болса, дәм жаңса – ұлтының келешегі үшін күш-жігерімді аямай еңбектене беруге борыштымын. Адассам-халқыммен бірге адастым, сәулесі жарық жолға ұмтылсам – ұлтыммен қосыла ұмтылып бағамын” (ҚРҰҚҚА, 141-к, 1-т., 28-ic, 17-п.).

Алаш идеясы – ұлт өмірімен мәңгі бірге жақытын өміршен ұлттық идея екені даусыз.

Тарихтың өзі М. Дулатов идеяларының өмірлік негізі құшті екендігін айқындаң берді. М. Дулатовтың арман-тілегінің орындалғанына бүгінде тарих күә, ол халқының азаттық алғанын көре алмаса да, оның құні туатынына сенімі құшті еді. Алаш зиялдыларының қайраткерлік тұлғалары осы тұтастығымен, өздерінің ерік-жігерін, қүшін халық ісіне сарқа жұмсауымен ерекшеленеді. Міржақып Дулатовтың есімі қазақ халқының жадында мәңгі сақталады.

Әдебиеттер

- Дулатов М. (1920). Октябрь төңкерісінің үшінші жылы. Кедей сөзі. 7-қараша.
- Дулатов М. (1921). Қазақ зиялдылары. Ақ жол. 5-мамыр.
- Дулатов М. (1921). Еңбекшілер автономиясы. Ақ жол. 29- наурыз.
- Дулатов М. (1923). Уш жыл. Ақжол. 7-желтоқсан.
- Дулатов М. (1924). Сол қыздың атын ұмыттым. Еңбекші қазақ. №294.
- Дулатов М. (1924). Сол қыздың атын ұмыттым. Еңбекші қазақ. №294.
- Дулатов М. (1924). Ұрлық қайтсе тыллады. Ақ жол. 13 қараша.
- Қасқабасов С. (1994). «Ақ жол» туралы үш құжат. Ақықат. №1. 90 б.
- Мадияр. Мемлекет халі (1918). Қазақ. №248.
- «Құрметті окушылар». Қазақ. (1918). №263
- Қайтсек жүрт боламыз. (1918). Қазақ. №264.
- Қазақ халқының дүшпандары. (1918). Бірлік туы. №24.
- Мұхamedханов Қ. Абай мұрагерлері. Семей облыстық мемлекеттік архиві (СОМА). 226-к, 110-ic, 1- т, 5-6 п.
- Назарбаев Н.Ә. (2014). «Қазақстан жолы – 2050: Бір мақсат, бір мұдде, бір болашақ». Егemen Kazakhstan. 17 қантар.
- ҚР Ұлттық Қауіпсіздік комитетінің архиві – бұдан әрі ҚРҰҚҚА 124-к, 1-т., 78754-ic, 105-п.
- ҚРҰҚҚА. 124-к, 1-т., 78754-ic, 104-п.
- ҚРҰҚҚА. 124-к, 4-т., 78754-ic. 106-п.

- КРҮҚҚА. 124-қ, 1-т., 78754-ic, 46-п.
КРҮҚҚА. 124-қ, 4-т., 78754-ic. 98-99-п.
КРҮҚҚА. 124-қ, 1-т., 78754-ic, 105-п.
КРҮҚҚА. 124-қ, 1-т., 78754-ic, 105-п.
КР Президенттік Архиві – бұдан әрі КРПА. 141-қ, 1-т., 479 «А» -ic, 1-2-п.
КРПА. 141-қ, 1-т., 377-ic, 4-п.
КРПА. 141-қ, 1-т., 28-ic, 17-п.

References

- Dulatov M. (1920) Oktyabr tonkerisiniн ushinshi zhly [The third year of the October Revolution]. Chechen word. November 7.
Dulatov M. (1921) Qaqaz ziayalrary [Kazakh Intelligentsia]. White Road. May 5.
Dulatov M. (1921) Enbekshiler avtonomiya [Autonomy of Workers]. White Road. March 29.
Dulatov M. (1923) Ush zhyl [Three years]. Akzhol. December 7.
Dulatov M. (1924) Sol kyzdyn atyn umyttym [I forgot that girl's name]. The Kazakhman.
Dulatov M. (1924) Urlyk qaitse tyiylady [The thief will be shattered once]. The white line. November 13.
Kaskabasov S. (1994) «Aq zho» turaly ush kuzhat [Three documents about the «white road»]. Truth. №1. 90 p.
Madiyar. (1918) Memleket khali [State of the state]. Kazakh. №248.
«Dear Students». (1918) Kazakh. №263.
Let's get back. (1918) Kazakh. №264.
The enemies of the Kazakh people. Unity flag. №24.
Mukhamedkhanov K. Abai muragerleri [Abai's heirs]. 188-189, Semipalatinsk state archive (SOMA). 226th, 110th case, 1- t, 5-6 p.
Nazarbayev N.A. (2014) «Qazaqstan zholy 2050: Bir maqsat, bir mudde, bir ,olashak» [«Kazakhstan's way – 2050: common goal, common interests, common future»]. True Kazakhstan.
Pursuant to the Rules of Procedure of the Ministry of Justice of the Republic of Kazakhstan, article 124, paragraph 1, article 78754.
Pursuant to Article 104, paragraph 1, Article 78754 of the RoK Constitution.
RADRF. 124th, 4th Art. 78754. Page 106
The REMOTE. Article 124, paragraph 1, article 78754, Article 46
RREPA. 124th, 4th Art. 78754. 98-99
The REMBU. Article 124, paragraph 1, article 78754, Article 105
The RNIMP. Article 124, paragraph 1, article 78754, Article 105
The RoK Constitution, Article 141, paragraph 1, Article 479, Article 1-2.
The RoK Constitution, article 141, item 1, article 377, item 4
The RoK Constitution, article 141, para. 1, para. 28, Article 17.